

DANIEL GOIOAGA JAUNA

Daniel GOIOAGA NIZETA Anaia, Zeanuri'ko semea, Malaga'n 1992'ko martiaren Lean il zana. Aren gurpuari, ainbat urtetan bertan lan egiña zalako eta bertoko seme kutuna, ementxe emon jakon lurra, illeta ospe aundikoa egin ondoren. 76 urtekin il zan, euskaldun langille ta zintzo au.

Aurtengo Aste Santuz, apirillaren erdirantza, Zeanuri'n, Undurraga'n Garizuma ta Aste-santu lanetan nintzala, leenengo Daniel Anaiaren anaia eta gero aren loba ta billoba euren senide maite ebenak sentimentu aundiz urreratu jatazan euren senidearen azken-agurra-aren barria emotera. Nik, arein hiotz saminduak poztu ondoren, ZER'en idatzita nebala zerhait Anai jakintsu ta langille aundi onen barri emonez. Eta, heti be eder yatalako, euskaldun jatorren barri emotea, emen emoten dot an erreguz eskatua; agindua bete bear da-ta.

Seme argi ta argi asko emona dozu Zeanuri. Lur ederra giza-seme ta emakumetan, Jainko-seme, eleiz-zale ta irakasle, mixiolari ta biotz ederretan; joandako urtetan eta gaur-egunetan. Izadiz leku ezkutu ta bizkorra, seme-alaba azkar, argi ta ongillez. Orretariko bat dozu Goioaga Anaia.

Berton munduratu zan Daniel Goioaga Lezeta, anaia Badajoz'en irakatsi ta irakatsi bere bizitzako urterik geianak. 1916 ko apirillaren 16'an.

Aurreko illetan, Marista Anaiak gaxoentzat dauken Malaga'ko etxera eroan eta an il zan; illetak egin jakozan eta an eta emen egindakoaz arriturik gelditu zan jentea; angoak eta emengoak, ikusia ikusiz gizaseme aundi ta santutzat joten ebela. Orrela zan, izan be. Zeanuri'k lendik be eukia, gero Daniel Anaiak Ian egin eban leku guztietakoak orixe autortzen eben ao batez.

Bereala ainbat eta ainbat orri ta orritxo idatzi ta zabaldu ziran aren goralpenetan, gizon aintzagarri aren izena ta gomutea bazterretan zabaldu zedin, bere jai-

terrian eta kanpo-errietan, Badajoz-aldean batez be. Benetako maitasu-eguzkiaren argi-izpiak lez zabaltzen dira.

Bere errian egin zituan lenengo ikasketak. Etzan motela, eta erakus-zaletasuna be orduantxe sortu jakon barruan. Etorri-barriak lez ziran Frantziatik Euskalerrira Anai Maristak, eta berak orrein arteko izan nairik, euron artean sartu zan. Gipuzkoa'ko Anzuola'n ain zuzen be, 12 urtekoa zala; marista abitua artu eta lenengo saioak Azpeitia'n eta Zumaia'n egin zituan; emen arrapatu eban gerreak, gogor samar.

Euskalerrian bizi izandako len-urteak izan ezik, Daniel Anaiak Badajoz'ko Ikastetxean, eten barik, erakusketa lanean, emon ebazan here bizitzako egun guztiak. Osasun onekoa zan, gorputzez eta arimaz, orixe erakutsi eban urte luzeetan Karmengo Kolejioko irakasle izan zala, eta on diño, opor-aldietan berariz here errira aldatu ta emen ikusi oi ebenak.

Aren urte luzeetako lan txalogarria onetsi nairik, Badajoz'ko Aiuntamentuak 1976'an bertako Seme kutun izendatu eban. Aizeak erasotako pago zarrek be azkenez amor egin bear, bardin gizon langilleak be, Daniel Anai zangarrak be. Gaixorik egoala, Marista Anaiak euren gaixoentzat an daukien gaixo-etxean it zan 1992'ko martiaren Lan, 76 urtekoa zala. Bere gorpua, alan be, Badajoz'ko ortu santuan datza.

Bego antxe, azken biztu-egunerarte, angoak eta emengoak maitatua.

AITA ONAINDIA

IRAKURLEAI OARRA

ZER aldizkariak eta EUSKERAZALEAK ALKARTEA'k ba-dauke Bilbao inguruan urteko arpidetza eskuratzeko erea. Etixerik etxe joaten da kobratzaillea. Baiña gauzea ez da ain erreza errietan. Orregaitik eskari au egiten dautzuegu: Bialdu eiguzue txartel edo txeke bat. EUSKERAZALEAK ALKARTEA'ren izena ipiñita eta 1.200 pezeta dirala idatzita. Txartel on sartu karta-azal baten eta gaiñean zuzenbidea ipiñi: EUSKERAZALEAK ALKARTEA.

Colon de Larreategi, 14, 2.º, eskoia. 48001 BILBAO.